

修訂日期: 2009/04/22 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 卍新纂續藏經 Vol. 47, No. 794

原始資料: CBETA 人工輸入, CBETA 掃瞄辨識

No. 794

劫章頌

大慈恩寺沙門 基 撰

劫名次第及數量	成住壞空并始終
餘三無定不可準	故約住劫論多少
先所有情生瞻部	成劫終滿住劫初
爾時人壽命無量	至十歲時減劫終
及後百年減一年	八萬四千為最上
從彼子年倍父增	還登八萬四千歲
一增一減為一劫	數滿二十住劫終
即此住時稱賢劫	二十數中第九劫
六萬四萬二萬時	拘留那含迦葉興
百歲釋迦牟尼出	人壽三十萬飢饉
七年七月七日滿	聚骨運籌多滅亡
二十歲時疾病侵	七月七日災方畢
至十歲時刀兵起	七日七夜相殺傷
餘少人民不盡滅	怖災造福增延命
子年倍父增八萬	從彼減劫慈氏興
至第十五減劫中	九百九十四佛出
乃後住劫欲終時	樓志如來方出興
住中最後唯增劫	人多厭世樂修定
無間有情既不生	壞劫爾時初禪起
地獄鬼畜三惡盡	拘盧勝身牛貨洲
瞻部四王忉利空	六欲諸天次第捨
始從無間終他化	時經十九增減同
下界既空無有情	日加四倍於常熱
溝池乾涸草木焦	二三日出江河竭
四五日現海泉盡	六七興時山石融
爾時大地并炎暉	三千世界猛火聚
聳炎上騰交梵世	諸天奔去趣二禪

梵輔梵王次第昇
從地火起梵王去
十九從多稱壞情
從是虛空如黑穴
過此空時成劫興
獨住時經一增減
欲界四空情器俱
下際微風方漸發
如是展轉大風起
傍廣算數計不及
深厚十六洛叉數
光音天下金藏雲
鳴雨滴瀝如車軸
下八洛叉餘水凝
廣闊四倍多增量
皆踰繕那量應知
復注雨水增深廣
大風鼓擊成山地
諸餘山地濕濁成
四洲外海水鹹滷
器界爾時成立訖
身長千尺二千尺
所食地肥地味餅
後漸生貪競多取
後競林藤粳米出
食漸羸蠲成便利
由耽染情身光滅
菩薩慈悲興日月
於是竊盜乃初行
即知界畔均分布
致有軍形相罰生
十惡以資皆具足
既覩惡趣善不生
四王忉利及空居

世界三千并灰燼
後經一箇增減時
一劫約少唯論器
還同二十增減劫
大梵天王最初建
從念臣人輔眾生
從上次第皆成立
天仙唱號劫初成
堅若金剛不可壞
邊際由如盤鉉形
此下風輪世界底
遍覆風輪大千界
注水滂淋滿界中
金剛厚三億二萬
十二三千四百半
水輪寬量亦如是
空居次第從上成
妙高七金清水成
七山內水悉甘美
山地羸妙有差殊
二禪福盡生瞻部
光明皎潔能飛騰
香味具足資諸天
地餅失沒林藤出
貯積復失香稻生
男女爾時差別形
世界黑暗失光明
競取香稻貪地利
共立田主設疆隅
田主憍慢陵諸弱
殺妄姪綺語增多
死墮鬼畜并無間
北東西貨等三洲
修因漸漸得生彼

爾時成劫乃為終
有情及器皆成立
還同二十增減時
龍王受報亦同然
梵輔四十增減攝
先生後捨故應知
增減二四六中攝
水火風災漸次行
七火中間有七水
風災能壞第三禪
火水風災以為數
即此大劫三無數

始從梵王終忉利
成壞空三等住劫
無間有情一增減
梵眾二十增減劫
梵王六十增減劫
日月歲時小劫収
八十方名大劫時
七火災後一水災
初二靜慮焚漂訖
第四靜慮無能壞
數不能及僧祇量
菩薩將登正覺時

劫章頌(終)